

ETH DIARI

Numerò 100
Diuendres 7 de mai 1999

HUELHETON

DIARI

D'ARAN

Prètz: 50 pessetes

AUEM ARRIBAT ATH NUMERÒ 100

Gràcies per confiar en nosati.
Felicitats tà toti!



ES LABORISTES GUANHADORS EN GALLES E ESCÒCIA



GALLES

Es laboristes a pròp dera majoria absoluta ena Assemblèa de Galles, segontes ua enquèsta a pè d'urna dera BBC. Eth partit nacionalista gallés -Plaid Cymru- serie era dusau fòrça politica.

ASSEMBLÈA DE GALLES	60 membres	enquesta	Partit Laborista	28-32 deputats
			Plaid Cymru	13-17 deputats
			Partit Conservador	7-11 deputats
			Partit Liberau democrata	4-8 diputats

ESCÒCIA

En Parlament escocés eth Partit Laborista i aurà ua ampla preséncia mès sense era majoritat. Eth partit independentista SNP restarie en dusau lòc.

PARLAMENT ESCOCÉS	129 membres	enquesta	Partit Laborista	55-61 deputats
			SNP (independentistes)	41-47 deputats
			Partit Conservador	11-17 deputats
			Partit Liberau democrata	10-16 deputats

Ènquèsta /error: +/-3%

ES PAÏSI DETH G-8 ARTENHEN UN ACÒRD DE PRINCIPI DE PATZ ENTÀ KOSÒVO

Es ministres d'Ahèrs Exteriors deth G-8 (es sèt païsi mès industrializadi deth mon mès Rússia) an arribat a un acòrd entà prepausar un plan de patz tà Kosòvo qu'includís ua fòrça internacionau entà garanti-lo e que se presentarà com ua resolucio deth Conselh de Seguretat dera ONU. Eth plan, aprovat ena amassada de Petersberg (ath cant de Bonn) prevé eth desplegament d'ua "fòrça internacionau civiu e de seguretat" en Kosòvo e era retirada des fòrces militares e paramilitares iogoslaves d'aquí. Ath delà, era prepausta, qu'a de garantir era entornada des refugiadi albano-kosovars tà casa sua, siguec possibla pr'amor deth compromís arthenhut ager ath maitin entre EEUU e Rússia ena trobada que celebrèren, abantes dera amassada deth G-8, era secretària d'estat nòrd-

americana, Madeleine Albright e eth sòn omològ rus, Igor Ivanov.

Punts der acòrd:

1. Fin immediata dera violéncia en Kosòvo de forma verificabla.
2. Retirada immediata de totes es fòrces militares e paramilitares iogoslaves.
3. Desplegament "d'ua preséncia de seguretat internacionau e civiu tamb aprobacion des Nacions Unides".
4. Establiment d'ua administracion transitòria cossent tamb era decision dera ONU.
5. Tornada segura de toti es desplaçadi e refugiadi tà Kosòvo e era entrada d'organizacions umanitàries sense limit.
6. Establiment d'un procès politic entà ua so-

lucion politica transitòria qu'a d'ajudar a Kosòvo entà un autogovèrn substanciau que non damne es principis de sobirania e integritat territorial de Iogoslàvia.

7. Desarmament der Exercit de Liberacion de Kosòvo (ELK).

8. Realizar "esfòrci vedibles entà un desenvolupament economic e estabilizacion dera region de crisi ena sua totalitat".

Era cronologia deth plan que prebotge Rússia

Era OTAN e Belgrad acòrden, "possiblement via Moscó", qu'era part iogoslava comence, "per exemple eth 8 de mai", era retirada des sues tropes de Kosòvo. En anonciar Belgrad eth començament dera retirada, era OTAN

emprincipie ua pausa enes bombardegi que "poderie èster de 24, 48 o 72 ores, o de sèt dies". A compdar deth madeish dia eth Conselh de Seguretat dera ONU comence er estudi d'un projecte de resolucio sus er apraïment globau deth problèma de Kosòvo basat en article 7 dera Carta dera ONU, que prevé operacions militares entà impausar era patz.

Es tres qüestions mès complicades pendentas son "era retirada iogoslava de Kosòvo, era preséncia militar internacionau e era administracion provisionau". Belgrad ja acceptèc reduir de 100.000 a 12.000 es sòns soldadi en Kosòvo e eth líder kosovar moderat Ibrahim Rugova e Belgrad arthenheren er acòrd de qu'aguest poderie assumir era direccio dera administracion provisionau.

Era gent vam crispadi peth carrèr, mos enfadam tamb toti per quinsevolh causa, condusim de forma agressiua, non respectam es mès minimes normes d'urbanitat (ua causa qu'abantes s'ensenhaue en estudi), auem d'èster competitivus e ath delà hèm mala cara.

Qué passe?

Era vertat ei que non ac sai pas; dilhèu ei eth cansament fisic e psi-quic que toti carrejam, mès non m'agrade bric aguest ambient tens, crispat e enquia maleducat.

A on ei aquera dialectica e esgrima

verbau dera quau hègem *gala* es catalanets enes prumeries de sègle e tamb era quau mos podíem passar ores en tot parlar deth sèxe des anges?

Cau recuperar eth parlar tamb calma e padegament. Parlar per parlar qu'ei un blos plaser; se conven, podem defensar ua posicion sabent qu'ei faussa; non passe arren, auem de blagar e açò qu'ac auem de hèr toti, es d'a pè, es periodistes, es politics, es sapienti... toti, blaga que blagaràs sense ne tansevolh saber se se hè tard o non.

E ath delà (aué dongui conselhos de franc) auem d'introduzir er umor ath

nòste torn. Actuaument, se quauquarès hè trufaria ja lo prenem per pòc seriós; grèu error, pr'amor que s'auéssem ua corrècta formacion umanista e auéssem liejut un shinhau mès es classics, saberíem qu'eth refinament en umor tostemp a estat ua característica de persona intelligente (çò que è agut de dider entà autoproclamà-me intelligent... uf!). Confonem era simpatia e bon umor tamb era pòga efectivitat. Tà trionar en aguest ambient d'ara que cau èster seriós, tamb cara de dolent deth *far-west*, silenciós com es gats e tamb es urpes tostemp a punt.

E er *stress*; aquerò òc qu'ei divertit

quan ves qu'ath tòn interlocutor se li botge ua cama permanentament, a espasmes ena cara, tics nerviosi e alugue era cigarreta tamb es claus deth coche en tot creir que son un briquet, en tot que sage de cordà-se es botons dera americana tamb ua man e tamb era auta se piente perque non ei possible hèr ua soleta causa, pr'amor qu'eth temps ei òr.

En fin, tau coma didie sai pas qui: "dilhèu ei ora de minjar mens e digerir ben".

Miquel Campà

DIARI DERA GUÈRRÀ
deth dijaus 6 de mai

Bombardegi

Era aviacion dera OTAN a bombardat objectius enes zònes de Nis, Kraljevo, Uzice e Prahovo. Es damnatges qu'an estat leugèrs. Quate membres der ELK morissen a mans de militars sèrbis.

Diplomàcia


Era OTAN e Rússia poderien auer arribat a un acòrd de patz, segontes era NBC. Eth líder dera Liga Democratica de Kosòvo (LDK), Ibrahim Rugova, ei en Roma entà sajar d'arténher un acòrd tamb Belgrad per mediacion italiana.

Refugiadi

Eth primèr grop de refugiadi (120 adulti e 195 mainatges) a arribat as Estats Units. Era ONU cre que 875.000 refugiadi albano-kosovars an deishat Kosòvo. Er Estat espanyòl aucepe, enquiad aué, eth lòc 13au entre es 19 païsi qu'an acuelhut albaneso-kosovars. Macedònia a barrat era sua frontèra tamb era Republica Federau de Iogoslàvia ena localitat de Blace.

IBRAHIM RUGOVA EXIGÍS ETH DESPLEGAMENT
DE FÒRCES DERA OTAN EN KOSÒVO

Eth president des albaneso-kosovars, eth moderat Ibrahim Rugova, exigic ager en Roma eth desplegment en Kosòvo de "fòrces internacionaus, de fòrces dera OTAN e d'auti païsi", atau com era retirada des fòrces de seguretad iogoslaves d'aqui.



ETH DIARI
num. 100

SE JAMÈS T'AS DEMANAT COM AJUDAR ARA GENT D'ETH DIARI
NON AC DOBTES . HÈ-TE SOSSCRIPTOR QU'EI AJUDÀ-MOS DE VERTAT
PERQUE AUER SOSSCRIPTOR ARA REPRESENTE CAPITALIZÀ-MOS
ECONOMICAMENT ENTÀ NON DEPÈNER D'ARRÈS E CONTINUAR SIGUENT UA
PREMSA INDEPENDENTA E PLURAU

SOSCRÍUE-TE AUÉ MADEISH!

ETH DIARI

HUELHETON DE SOSCRIPCION

NÒM E COGNÒMS _____

DOMICILI _____

CP _____ POBLACION _____

Senhalatz tamb ua (x) era modalitat de pagament que vos estimatz:

Recebut per banc o Caisha d'estauevis

Chèc adjunt

Banc / Caisha _____

Domicili dera agència _____


Poblacion dera agència _____

--	--	--	--	--	--	--	--	--	--	--	--	--	--

Còdi Banc Còdi Agènc D.C. Num. compde o libreta

____/____/____
Data

Signatura



FAX: 973 64 08 71

Telefon 973 641772 / 619294159

ADREÇA : Carrèr Doctor Manèl Vidal. Locau 5, darrèr der edifici.
25530 VIELHA

FAX _____

TELEFON _____

PAÍS _____

Prètz: 19.720 ptes IVA includit.

Includís: Soscripcion annau (diari, mès 5 especiaus).

Distribucion en casa o recuelhuda en quòsc.

Dehòra dera Val d'Aran

Enviament per corrèu: 7.400 ptes.

AGUEST EI UN ESPACI A ON I PÒT AUER ETH SÒN ANONCI. TRUCATZ-MOS E
MOS L'ENCOMANATZ, NOSATI LI HARAM ERA COMPOSICION GRAFICA, ERA
TRADUCCION E TOT AQUERÒ QUE CALGUE, PETH MADEISH PRÈTZ.
CADA MODUL (6,8 cm x 5 cm) A UN PRÈTZ DE 3.000 PESSETES MÈS IVA.
TELEFON 973 64 17 72

Edite ETH DIARI
Familia Colomines
Centre d'estudis VIVÈNCIA ARANESA:
Aula Euròpa des Pirinèus (Val d'Aran)
Carrèr Doctor Manèl Vidal
locau num. 5
(Darrèr edifici/ Ath cant der Espitau)
25530 Vielha-Val d'Aran
Telefon: 973641772
Fax: 973640871
E-mail vivenciaaranesa@ctv.es

Editor e director: Joan-Ramon Colomines-Companyes.
e-mail: jrcc@apdo.com

Informatica e desenh: Marc Colomines i Nadal.

Equip de correctors: Pilar Barès e Xavier Gutierrez.

Equip comercau: Ramon Agulló i Teixidor.

Impression: Xerox's Document Center 220 ST d'ETH DIARI
en Vielha. Tirada: 1000 exemplars.